

ELECCIÓN XUÑO 2016

- OFICINA DO CENSO ELECTORAL-

SOLICITUDE DE VOTO POR CORREO – FOLLA AUXILIAR

O impreso que se acompaña a esta folia auxiliar é o modelo de solicitude que o/a elector/a cubrirá para solicitar, da delegación provincial da Oficina do Censo Electoral que corresponda, o certificado de inscrición no censo electoral e poñer en marcha o procedemento para poder emitir o seu voto por correo nas eleccións que terán lugar o próximo día **26 de xuño**.

QUEN PODE VOTAR POR CORREO?

Poden votar por correo os/as electores/as que prevexan que na data de votación non estarán na localidade onde lles corresponda exercer o seu dereito ao voto.

Os/as electores/as residentes no estranxeiro que se encontren temporalmente en España, poden solicitar o envío da documentación para o voto por correo a un domicilio en España, para o cal cubrirán a solicitude de voto por correo anotando un “x” no apartado “Residente no estranxeiro”.

Tamén poden votar por correo os/as electores/as que, por enfermidade ou incapacidade física, non se poden presentar no lugar da votación.

Unha vez feita a solicitude do voto por correo, de resultar aceptada, non se pode votar persoalmente.

PROCEDEMENTO PARA VOTAR POR CORREO:

A. SOLICITUDE

A solicitude formularana persoalmente os/as interesados/as.

A solicitude e o sobre de remisión dirixiranse á provincia onde figura inscrito/a no censo electoral.

En caso de enfermidade ou incapacidade (existencia que se acreditará por medio dunha certificación médica oficial) a solicitude pode efectuarse no nome do/a elector/a por persoa autorizada, notarial ou consularmente, mediante documento que se estenderá individualmente en relación con cada elector/a e sen que nel se inclúa a varios/as electores/as, nin unha mesma persoa representar a máis dun/dunha elector/a (o/a elector/a ten dereito a que estes documentos sexan estendidos de forma **gratuita**). Nestes casos a solicitude asinarana o/a representante.

A certificación médica e a autorización incluíranse no sobre de remisión xunto coa solicitude.

B. LUGAR DE PRESENTACIÓN

A solicitude, cuberta e asinada, presentarase en calquera **oficina de Correos de España**. O/A empregado/a encargado/a de recibila pediralle ao/á interesado/a a exhibición do seu documento de identidade e comprobará a coincidencia da sinatura. En ningún caso se admitirá fotocopia deste documento.

Non será válido o envío por correo ordinario.

C. PRAZO PARA SOLICITAR O VOTO POR CORREO

Solicitarase a partir da data da convocatoria e ata o décimo día anterior ao da votación (**16 de xuño**).

Non obstante, se Vde. pensa exercer o dereito ao voto por correo, non espere á última hora. **Formule a súa solicitude o antes posible.**

D. ENVÍO DA DOCUMENTACIÓN PARA O VOTO POR CORREO

A delegación provincial da Oficina do Censo Electoral correspondente realizará os envíos da documentación necesaria para o voto por correo a partir do día 6 de xuño. O envío farase ao domicilio indicado por Vde. na súa solicitude e ao seu nome.

A xustificación de recepción que acredita que recibiu a citada documentación asinarao o/a interesado/a logo da acreditación da súa identidade

E. PRAZO PARA REMITIR O VOTO POR CORREO

O voto débese remitir por correo certificado non máis tarde do día 22 de xuño.